

Bij de Leijwei yn Hoarnstersweach

Der is de lêste wiken noch al betizing oer de bij de Leijwei yn Hoarnstersweach. Sawol yn novimber as yn maart wie dizze wei in belangryk agindapunt op de ledegearkomsten fan Pleatslik Belang Jobbegea-Hoarnstesweach.

Ek hawwe oanwennenden by sawol de gemeente, de ried as Pleatslik Belang de problematyk rûnom dizze wei ûnder de oandacht brocht.

Under oare mei stikken yn kranten en by de Omrop. Dit alles hat laat ta in spesjale jûn oer dizze wei wêr't in wurkgroep foarme is dy't yn kaart bringe sil wat no krekt de problemen binne en ek sjen nei mooglike oplossingen.

Yn tuskentiid hat de gemeente al profisorisch maatregels naam en is op in grut part fan de wei yn de berms saneamd stikken asfalt (swart grit) oanbrocht wêrtroch de berms opknapt binne.

Mar no wol it gefal dat foarige wike der in begjin makke is mei de oanlis fan nije ynfrastuktuer fan de wetterlieding. De berms wurde no wer hielendal iepen skuort en fan it swarte grit is neat mear te sjen. Dit kin dochs net de bedoeling wêze?

Dit bringt ús ta de folgjende fragen:

1. Hoe rinne de kontakten tusken de gemeente en ynstânsjes dy't liedingen yn de berms oanbringe?

Der is twa kear yn it jier in grut oerlis, beneamd as "coördinatieoverleg Nutsbedrijven". Yn it oerlis wurde alle (mooglike) plannen/projekten fan 'e gemeente en de nutsbedriuwen trochnommen.

Dêrneist is der tuskentiids oerlis oer de útfiering fan de ferskillende plannen en/of projekten. De út te fieren wurksumheden fan nutsbedriuwen wurde mei in melding of fergunnig oanfrege by de gemeente. By de tastimming of de fergunning wurde dan eventuele betingsten opnommen.

2. Is der oerlis west mei de oannimmer en of de opdrachtjouwer dy't de nije lieding yn de berms oan de Bij de Leijwei oanbringt?

Ja, der hat oerlis wet. Vitens hie op de lokaasje by guon wennings yn koarte tiid meardere steurings. Dizze kalamiteiten binnen oanlieding west om tastimming te freegjen om de âlde wetterleiding no per direkt te fergangen. Dizze tastimming is ferliend ûnder de betingst dat der wurke wurde moat neffens it "Handboek Kabels en Leidingen van de gemeente Heerenveen".

3. Wurde de berms yn de selde steat werombrocht? Dus ek wer mei stikjes asfalt en swart grit?

Ja, de berm wurdt yn de 'âlde' steat werombrocht. Ien fan de betingsten yn it hânboek is ek dat de úthelle grûn skieden, yn de ferskate lagen, útgroeven wurdt en dêrnei ek per grûnlaach werombrocht wurde moat. Fansels kin der sprake wêze fan wat fersmoarging (sân op freesasfalt) mar dit hat net daalk ynfloed op de kwaliteit fan de bermferhurding. As it nedich is, moat Vitens ek de bermferhurding wer oanfolje.
